



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 4. Quinam possint facere Reservationem Casuum? & Quomodo?

urn:nbn:de:hbz:466:1-37144

Ex predictis autem, ut patet, onus Pontificiarum reservationum jam multum est alleviatum.

61. IV. Quod si casus ab Episcopo reservatus habeat ab eodem annexam censuram, tunc est quidem etiam tam quoad peccatum, quam quoad censuram reservatus; sed ita juxta usum Ecclesie & communem sensum Episcoporum, teste Tamb. tr. de Casib. reserv. cit. cap. 5. §. 1. n. 7. ut una ex duabus illis reservationibus sit independens ab altera, adeoque peccatum adhuc maneat reservatum, quamvis propter ignorantiam, metum, vel aliam causam non sit contracta censura. Episcopi enim communiter volunt peccatum ratione sui ipsius, & prout à censura distinctum est, reservare. Unde non omnes casus ab Episcopis reservati habent annexam censuram. Deinde Episcopi, si alicui luo casui reservato annexant censuram, faciunt id tantum in hunc finem, ut reservatio sit tanto gravior, & à delinquente non tam facilè possit sine requisito Episcopi consensu evitari; atqui huic fini repugnat, velle, ut reservatio peccati, & reservatio censuræ sint inter se inseparabiliter connexæ, ut patet ex dictis; ergo Episcopi talem connexionem communiter non volunt; nec potest in dubio præsumi, quod eam velint. Veruntamen si omnino ex verbis Reservationis, vel ex alijs circumstantijs aperte constaret, quod Episcopus in aliquo casu, à se cum censura reservato, vellet utriusque reservationem esse inter se connexam, tunc omnino esset idem de illo; quod de aliquo casu Pontificio sup. n. 60. Quæ autem hic dicta sunt de casibus ab Episcopo cum censurateservatis, intelligenda sunt etiam

ob easdem causas de casibus à Prælato Regulari reservatis, & annexam censuram habentibus; utrobique tamen semper attendendum est, an Reservatio sit vel non sit pœnalis. sup. n. 59.

§. IV.

Quinam possint facere Reservationem Casum? & quo modo?

62. V. Illi omnes & soli possunt casus aliquos reservare, qui habent potestatem alijs conferendi jurisdictionem ordinariam, vel delegatam; adeoque 1. Pontifex pro tota Ecclesia. 2. quivis Episcopus pro sua Diœcesi. 3. Prælatus Regularis pro suo Ordine vel Monasterio; & 4. etiam Parochus pro sua parochia, quia etiam ille, si velit, potest Jurisdictionem in suas oves, cum eam Cooperatori suo vel alteri Sacerdoti delegat, ad certos casus restringere. Dicast. de pœnit. Disp. II. n. 4. Lugo de pœnit. Disp. 20. n. 2. vide Tann. tom. 4. Disp. 6. q. 9. n. 78. Sed non est in usu; nec expedit ita gravare parochianos. Fieri potest directè vel indirectè. Priore modo fit, cum quis jurisdictionem alterius, quam restringit, habet sibi subordinatam, ut Ordinarius superior habet Ordinarij inferioris, & delegans delegati. Posteriore modo fit, cum quis jurisdictionem alterius sibi non habet subordinatam; suum tamen subditum eidem subjicit, sed quoad aliqua tantum peccata, non quoad omnia, ut si Prælatus Regularis permittat suum Religiosum à peccatis absolviri per Parochum, exceptis aliquibus casibus.

Prælatis autem Regularibus potestatem reservandi, ne ea abuterentur, limitavit Clemens VIII. & undecim tantum

casus à Laym. cit. cap. 12. n. 6. relatios, & à Palao de penit. Diff. un. p. 15. n. 15. & seqq. explicatos designavit: quos quidem non ipse Regularibus reservavit; nec Superioribus præcepit, ut reservent; sed tantum permisit, ut, si veliat, & consultum judicent, possint reservare. Quodsi præter undecim illos casus judicet Prælatus Regularis esse præterea unum aut plures alios pro Religionis conservatione vel conscientia puritate reservandos, id aliter fieri licet & validè non potest, quam, ut Pontifex in sua Bulla loquitur, *cum matu-ra discussione & consensu Capituli Genera-lis pro toto Ordine vel parte, & Capituli provincialis pro tota provincia vel parte.* Unde jam etiam Prælatus Regularis nec excommunicationem, sub qua stabiliter peccatum aliquod aliud prohibet, potest fibialio modo reservare, ut rectè contra Palao l. c. n. 6. Suarez & alios docet Dicast. de penit. Diff. 11. n. 110. Tamb. de Casib. reservat. cap. 8. §. 2. n. 21. *cum aliis,* testanturque ita declaratum esse à Congregatione Cardinalium 1617. 7. Julii. vide Dian. p. 3. tr. 2. Ref. 49. Nempe, cum quid unâ viâ prohibetur alicui, adid alia non debet admitti. Reg. 84. in 6.

Episcoporum potestas in reservandis casibus non est quidem, ut Regularium, limitata à Pontifice; nihilominus tamen Trid. Sess. 14. cap. 7. & ipsa recta ratio jubet, ita reservationem facere, ut cedat non in destructionem, sed adificationem. Unde si faciant nimiam & indiscretam, peccant mortaliter. Tamb. tr. de Casib. reserv. cap. 2. n. 3. quia Sacramentum Pœnitentia redunt nimis grave, præbentque hominibus occasionem confitendi saelegè. Imò aliqui putant talem Episco-

pi Reservationem esse etiam invalidam; sed melius negat cum aliis Laym. cit. cap. 11. n. 5. qui ibidem rectè addit, in dubio, cum in eo semper pro Superiore præsumendum sit, omnem Reservationem esse habendam pro valida & licita.

§. V.

De Reservatione Episcoporum, & aliorum Prelatorum.

63. VI. Episcopus in Jure scripto nullus casus aut censura est reservata. Filliac. tr. 15. c. 10. n. 237. Palao cit. p. 15. §. 2. n. 2. Quos tamen plerique omnes solent reservare, refert Laym. cit. cap. 12. n. 4. & explicat Palao cit. §. 2. à n. 4. An & quos præter illos aliquis Episcopus, ut potest, voluerit reservare, debet Confessarius ex suæ Diœcesis statutis, vel consuetudine intelligere, & tam illos, quam omnes alios casus, à quibus ob reservationem absolvere nequit, in mente & oculis habere, ne limites suæ potestatis excedat; similiam etiam diligenter semper attendere, an peccatum omnes eas habeat conditiones, quas sup. n. 58. diximus requiri, ut juxta communem Ecclesias usum pro reservato possit haberij.

64. VII. Reservatio Episcopalis habet tantam vim intra Diœcisin reservantis Episcopi, sed cum limitationibus mox indicandis. Unde si Diœcesanus post commissum casum reservatum transferat suum domicilium in aliam Diœcisin; imò si vel tantum in eam excurrat, ut viator; potest ibi à quolibet approbato & exposito Confessario absolviri sine onere se postea suo Episcopo sustendi. Filliac. tr. 7. cap. 1. à n. 283. Laym. l. s. tr. 6. cap. 10. n. 10. Tamb. tr. de Casib. reserv. cap. 1. n. 6. quia